

Candinas e Schneider en il directori da la pcd svizra

■ (cp) Ils delegads da la Partida cristiandemocratica (pcd) svizra han tschernì er in nov directori (presidi) per la partida. Sco president è *Christophe Darbellay* sa retratg suenter diesch onns. Ses successur è cuss. naz. *Gerhard Pfister*. Era la pcd grischuna al gratulescha ed engrazia al parsura partent.

La pcd grischuna è fitg cuntenta che la partida chantunala è represchentada

en il directori da la partida naziunala cun cuss. naz. *Martin Candinas* e deputà *Tino Schneider*, president da la pcd giuvna svizra. Uschia vegn l'influenza dal Grischun rinforzada en la partida svizra. La pcd chantunala gratulescha cordialmain als elegids per lur tscherna onurifica.

La pcd dal Grischun spera fitg che la pcd svizra returnia puspè cun il nov ti-

mun a sia ferma posiziun d'antruras. Ella spera che ses success cun represchents en il directori naziunal sa mussia era tar la pcd svizra. Malgrà difficilas circumstanças ha la pcd grischuna pudì augmentar il dumber da ses electurs tar la tscherna en il cussegl naziunal l'atun passà. La pcd giuvna grischuna è restada – sco dapi onns – la pli ferma partida dals giuvens en il Grischun.